

## 7. ՏԵՂԵԿԱՏՎԱԶՐԱՏԱՐԱԿՉԱԿԱՆ ԳՈՐԾՈՒՆԵՈՒԹՅՈՒՆ<sup>17</sup>

### 7.1-7.5. Վիճակագրական ժողովածուներ (տարեգրքեր), տեղեկագրեր, մամլո հաղորդագրություններ, տեղեկատվական ամսական զեկույցներ, վիճակագրական զեկույցներ<sup>17</sup>

Ծրագրով նախատեսված տեղեկատվահրատարակչական գործունեության մասով, 2005թ.-ին, ՀՀ ԱՎԾ կողմից հրատարակվել են 85 անուն վիճակագրական հրատարակումներ՝ ներառյալ «Հայաստանի Հանրապետության սոցիալ-տնտեսական վիճակը» տեղեկատվական ամսական զեկույցը (հայերեն և ռուսերեն լեզուներով):

Ծրագրով նախատեսված 17 վիճակագրական ժողովածուներից 17-ը կամ 100%-ը նախատեսված էր հրատարակել ՀՀ պետական բյուջեի ֆինանսավորմամբ: Փաստացի հրատարակվել է 17 ժողովածու, ընդ որում «Հայաստանի կանաչք և տղամարդիկ» վիճակագրական գրքույկը (հայերեն և անգլերեն լեզուներով) տպագրվել է ՄԱԿ-ի զարգացման ծրագրի և Շվեդիայի միջազգային զարգացման համագործակցության գործակալության ֆինանսավորմամբ:

«Հայաստանի Հանրապետության սոցիալ-տնտեսական վիճակը» տեղեկատվական ամսական զեկույցները կառուցվել են ճյուղային (գերատեսչական) և տեղական (համայնքային) վիճակագրություն իրականացնող մարմինների, վիճակագրական այլ տեղեկություններ տրամադրողների կողմից ներկայացվող պետական վիճակագրական հաշվետվությունների (հարցաթերթերի, տեղեկագրերի և այլն), հաշվարկների և ՀՀ ԱՎԾ կողմից դրանց ամփոփման, մշակվող ցուցանիշների, իրականացվող հետազոտությունների, տեղեկատվահրատարակչական գործունեության արդյունքում (ժողովածուներ, տեղեկագրեր, մամլո հաղորդագրություններ, զեկույցներ) ամփոփված նյութերի հիման վրա: Չեկույցների բովանդակությունը ներկայացվել է ըստ ԱՄՀ մշակած ՏՏԸՀ հատվածների:

Տեղեկատվական ամսական զեկույցները ամսական պարբերականությամբ ներկայացվել են հակիրճ, եռամսյակային պարբերականությամբ ներկայացվել են առավել մանրամասն, ընդլայնված ու ընդհանրական: Եռամսյակային պարբերականությամբ զեկույցներում ընդգրկվել են «ԱՊՀ երկրների հիմնական մակրոտնտեսական ցուցանիշների միջազգային համադրումներ»՝ ըստ ԱՊՀ Միջպետական վիճակագրության կոմիտեի տվյալների, «Հետաքրքրաշարժ վիճակագրություն», «Մեթոդաբանական պարզաբանումներ» և «ՀՀ ԱՎԾ փաստացի հրատարակումների ցանկը» հավելվածները:

Չեկույցներում արտացոլված, ինչպես նաև վիճակագրական այլ տեղեկություններ զետեղվել են ՀՀ ԱՎԾ <http://www.armstat.am>, ինչպես նաև ԱՄՀ <http://dsbb.imf.org/Applications/web/dsbbhome/> ինտերնետային էջերում:

ԱՄՀ Ստանդարտների տարածման տեղեկագրում առկա է Հայաստանի վիճակագրության համապարփակ մեթոդաբանությունն անգլերեն լեզվով, իսկ նույն ստանդարտի ՀՀ ԱՎԾ կողմից վարվող Ազգային ամփոփ տվյալների էջում <http://docs.armstat.am/nsdp/> երկրի համապատասխան տվյալները:

<sup>17</sup> Տես՝ Ծրագիր, Հավելված III:

Միաժամանակ, հրապարակվել են Ծրագրով նախատեսված **19 անուն վիճակագրական տեղեկագրեր** (ամսական, եռամսյակային, տարեկան պարբերականությամբ՝ 84) և նախատեսված 10 անուն վիճակագրական զեկույցների փոխարեն հրապարակվել են 17 անուն վիճակագրական զեկույցներ, ներառյալ հետազոտությունների արդյունքներով հրապարակված 7 անուն զեկույցները՝ հայերեն և անգլերեն լեզուներով (պարբերականությունը հաշվի առած՝ 50) և «Հայաստանի Հանրապետության սոցիալ-տնտեսական վիճակը» տեղեկատվական ամսական զեկույցները:

Հետազոտությունների արդյունքներով հրապարակվել են հետևյալ վիճակագրական **զեկույցները**՝

1. Հայաստանի Հանրապետության անապահովության գնահատման համակարգում հաշվառված հաշմանդամների կենսապայմանների ընտրանքային հետազոտության (հայերեն, անգլերեն լեզուներով),

2. Հայաստանում ժամանակի օգտագործման փորձնական հետազոտության (2004թ. հուլիսի 1-31-ը) արդյունքները (հայերեն, անգլերեն լեզուներով),

3. Հայաստանի Հանրապետությունում կազմակերպությունների կողմից կատարված բնապահպանական ծախսերի հաշվառման ընտրանքային հետազոտության,

4. Հայաստանի բնակչության շրջանում թմրամիջոցների, ալկոհոլի և ծխախոտի տարածվածության համահանրապետական ուսումնասիրության արդյունքների (հայերեն, անգլերեն լեզուներով):

Համաձայն Ծրագրի, պատրաստվել են ամսական պարբերականությամբ՝ «Հայաստանի Հանրապետության սոցիալ-տնտեսական վիճակը բնութագրող ընթացիկ-օպերատիվ ամփոփմամբ ստացված նախնական հիմնական մակրոտնտեսական ցուցանիշները», եռամսյակային պարբերականությամբ՝ «Հայաստանի Հանրապետության սոցիալ - տնտեսական վիճակը» և ամսական պարբերականությամբ՝ «Հայաստանի Հանրապետության սպառողական գների ինդեքսը» մամլո հաղորդագրությունները, ինչպես նաև 4 անուն թեմատիկ հաղորդագրություններ (ընդհանուր առմամբ, 7 անուն մամլո հաղորդագրություն, պարբերականությունը հաշվի առած՝ 32) :

Համաձայն Ծրագրի, ՀՀ ԱՎԾ աշխատակազմի մարզային գործակալությունները (ներառյալ նաև Երևան քաղաքի գործակալությունը) հրապարակել են «Մարզի (Երևան քաղաքի) սոցիալ-տնտեսական վիճակը» տեղեկատվական եռամսյակային զեկույցներ (11 անուն, պարբերականությունը հաշվի առած՝ 44) և 20 անուն վիճակագրական զեկույցագրեր (պարբերականությունը հաշվի առած՝ 30 անուն, թվով՝ 326): ՀՀ ԱՎԾ մարզային գործակալությունները (Երևան քաղաքի) 2005թ. ընթացքում պատրաստել են, պարբերականությունը հաշվի առած, ընդհանուր թվով 370 վիճակագրական զեկույց:

Համաձայն «ՀՀ կենտրոնական բանկի և ՀՀ ԱՎԾ միջև տեղեկատվության փոխանակման վերաբերյալ» 21.06.2001թ. հանաձայնագրի 23 կետի, ՀՀ կենտրոնական բանկին 4 ամսական, 13 եռամսյակային, 4 տարեկան և 3 միանվագ (ըստ անհրաժեշտության) պարբերականությամբ տրամադրվել է վիճակագրական տեղեկատվություն:

**7.6. Վիճակագրական տեղեկատվության տարածումը ՀՀ ԱՎԾ  
ինտերնետային էջի միջոցով և ՀՀ ԱՎԾ բաց գրադարանի գործունեությունը**

Շարունակվել են աշխատանքները ՀՀ ԱՎԾ ինտերնետային էջի կատարելագործման և վիճակագրական նյութեր տեղադրելու ուղղությամբ: 1999թ.-ից գործող ՀՀ ԱՎԾ ինտերնետային կայքին վիճակագրական տեղեկատվություն սպառողները դիմել են մոտ 185000 անգամ, միայն 2005թ. ընթացքում ինտերնետի ՀՀ ԱՎԾ հանգույց են այցելել 57000 անգամ, որը մոտ 40 %-ով ավելի է 2004թ. համապատասխան ցուցանիշից:

Ներկայումս Ինտերնետի միջոցով հասանելի է նաև ՀՀ ԱՎԾ բաց գրադարանի էլեկտրոնային համացանկը, որը թարմացվում է գրադարանի նոր գրականությամբ համալրմանը զուգընթաց:

Աշխատանքներ են տարվել կորպորատիվ ցանցի միջոցով ՀՀ ԱՎԾ ինտերնետային [www.armstat.am](http://www.armstat.am) էջը ՀՀ ԱՎԾ աշխատակազմի առանձնացված ստորաբաժանումներին (մարզային գործակալություններին) հասանելի դարձնելու ուղղությամբ:

ՀՀ ԱՎԾ բաց գրադարանում 2005թ. տարեվերջին առկա է եղել 7550 միավոր վիճակագրական գրականություն, որից 759-ը ստացվել է 2005թ. ընթացքում: Վիճակագրական գրականությունը համալրվել է աշխարհի տարբեր երկրների վիճակագրական ծառայություններից և միջազգային կազմակերպություններից (77%), ինչպես նաև ՀՀ ԱՎԾ կողմից հրապարակված վիճակագրական հրապարակումների հաշվին (23%):

2005թ. ընթացքում ՀՀ ԱՎԾ կողմից հրապարակված վիճակագրական հրապարակումների (ժողովածուներ, տարեգրքեր, տեղեկագրեր (ամսական, եռամսյակային, տարեկան պարբերականությամբ) և զեկույցներ) 2-ական օրինակներ տեղադրվել են գրադարանում:

ՀՀ ԱՎԾ գրադարանի գրանցամատյանում 2005թ. ընթացքում գրանցվել է 990 այցելություն, այդ թվում՝ գիտական մարմիններից՝ 30%, միջազգային կազմակերպություններից՝ 5%, պետական մարմիններից՝ 20% կրթական ոլորտից՝ 45 %: